

重修壽張縣志序

夫九州之疆域有別五方之風氣  
不齊故天下郡邑各有志乘於以  
考山川之險易建置之因革戶役  
之增損人文之盛衰凡有民社之  
寄者若不以古鏡今隨時消息何

序一

以通治體而昭文獻乎癸巳秋予  
出守是邦閱舊志闕畧告諸同志  
共爲修舉丁酉夏壽張尹滕君以  
邑乘告成質之于予夫壽張雖彈  
丸之地自春秋以來建置不一蓋  
古邑也山川則峯巒秀拔河水湯

湯有文明之象疆域則介乎齊魯之郊太史有二云齊魯間于文學自古及今其天性也以故篤行君子英豪賢達人才輩出豈非密邇

聖人之邦而薰陶濡染之所致歟吾知其將來必有超前振後出乎其

序二

間者正未有艾也勝君明敏通達發微闡奧繁蕪者刪之遺闕者補之精研考訂不激不隨務嚴傳信之義不以泛博爲能以使星野粲然井里條達觀古蹟則思仰前人之風烈論風俗則可知今古之淳

濶學校爲教化之本宜以如何培  
養如何訓誨方克副

聖天子崇儒右道之盛心田賦關民生  
之休戚其間磽腹有分繇役必記  
于以冀蒨屋茅簷咸登衽席躋在  
哲于蒸嘗以厲世俗表節孝於幽

序三

微以彰風化俾觀覽之下有所感  
發民知稼墻艱難士益敦倫向道  
宰此邑者亦由此而因俗善教化  
導民生以臻上理豈非爲政之大  
端移風易俗之要務耶矧自

鑿與幸魯之後表表章六經稽古右文


超軼千古方今纂述職方繪寫輿  
圖采風問俗由邑而郡由郡而省  
由省而天下以成車書萬國之盛  
大矣哉寧僅關乎一邑之民風土  
俗而已也是為序嘗

康熙五十六年歲次丁酉孟秋上

序四

浣之吉

中憲大夫知山東兗州府事加三  
級紀錄十五次前戶部陝西清吏  
司郎中山陰金一鳳紫庭甫撰



爲續修郡志以徵文獻事照得志書之作將以監  
古今成敗之跡察風俗得失之由以示沿革以昭  
鼓勵而其要總歸於軫念民生休戚至計事甚鉅  
也故廣而言之通天下有志次而各直省有志次  
而府州邑莫不有志雖部帙不同然指歸則一苟  
徒事靡文而于守官守土之責毫無裨益於志何  
取以故前人創之後人因之無敢失墜本府領郡  
魯邦已期月矣魯本元公之封域乃至聖之發祥

壽張縣志

帖文

一

東山泗水勝地猶存棧樸菁莪遺風未泯公餘流  
覽郡志一書竊歎是編本穀山于公之案繼續

本朝時事者乃前太守遂寧張公也然自乙丑至今已  
三十年所未有起而續之者誠恐愈久愈湮將來  
益難復問惟是本府才慚鼯鼠學愧雕蟲聞見未  
周搜羅難及豈敢謬爲踵事增華然以文獻所關  
事有不容再緩所藉諸同事各抒素抱共相參訂  
先輯州縣之遺彙補郡志之缺使因革損益照垂  
不朽節孝忠良將有徵考合行諮詢酌議爲此牌

仰該縣官吏照牌事理文到立即出示通知闔屬紳衿父老英俊遵照單開條款詳加斟酌何項當刪何事宜補何者屬譌何者逼真考覈勿厭精詳登載尤須慎密務盡所長先將該縣志接續明白條分縷晰明以教我本府樂觀厥成實于同事諸賢達有厚望焉幸勿視爲泛泛須至帖者

康熙五十三年七月

日

重修壽張縣志序

嘗觀天下亦甚廣矣東西朔南風土亦不齊矣其間人民有醇澆習俗有美惡古來太史採風以獻於王廷藏於記室誠鉅典也况今

聖天子在上聲教四訖德威廣播遐陬異域莫不梯山航海聞風而景從矣有時

皇上出而巡狩省方問俗亦難徧閱而周知此一統志之纂修所以不容已也稽古禹貢職方所載九州大勢亦云畧脩間嘗覽詩又有十五國風採民間

壽張縣志

序

之歌謠占人情之邪正見政治之得失固昭昭在人耳目間自

大聖筆削後遂成萬世不易之經正變貞淫勸懲法戒臚列方策瞭若指掌此卽纂修一統志之義也是志書之修所以記事歷觀往昔何代茂有廣而論之通天下有志各省有志一郡一邑莫不有志志之所關豈細故哉卽兗郡別號東魯合徐兗以爲域並婁奎而分野鳧繹聳峙列於東南汶濟巨川環於西北允矣一勝地乎况昔爲

如公封邑以親親任賢敦故使能爲治迨後士醇民  
朴詐虞不作魯初之遺風猶有存者是以天地鍾  
靈川嶽毓秀麒麟玉書而

孔子生焉刪定纂修爲萬世師表敷文教而扶剛常  
者千古一人其大有光於史策可知矣念茲壽邑  
壤土褊小雖屬彈丸實近聖居其被洙泗杏壇雅  
化更切且深戶口雖少男耕女織伎求奸慝之念  
不作學校請生義路禮門夤緣請託之事不爲因  
而高賢傑士蒸蒸蔚起有九世同居之張公高宗

壽張縣志

序

二

幸其宅賜以縑帛海內傳頌弗衰有剛烈性成之  
彥章忠肝義胆捐軀成仁千載昭垂不朽此二公  
不待勒諸志而自永迺勒諸志而益永矣且志書  
所載取其扼要者言之如方輿不志則星野疆域  
山川形勢人莫明其界限建置不志則城郭廟壇  
縣治學宮人莫詳其創作祀典不志則犧牲不脩  
粢盛不陳何以却旱溢之災官職不志則善政不  
存治道易忘何以存甘棠之思推而食貨有志選  
舉有志人物藝文有志班班可考詎不要歟當

清康熙十一年己

勅命重修通志第歷年迄今風俗人物不無稍更安得不詳搜博採稽其實核其真繁者刪缺者補彙集成帙使事事有切政治言言有益風化以成一代文獻上答克郡

憲臺之命令不徒摭拾遺文潤色浮詞以爲觀美已耶然蒞任一邑者業有民社之責又何敢以學疎才淺湫聞寡見退然胡不敏乎永禎謹擇本邑馬公諱珩者共勸厥事不尙麗詞惟求確據參考

壽張縣志

序

三

無訛編次有條庶可與禹貢職方十五國之詩並垂奕禩且以彰

國朝車書一統之盛久安長治之謨則

聖天子端拱垂裳坐享太平以受無疆之福云爾

崑

康熙五十六年歲次丁酉

壽張縣知縣加二級宛平滕永禎謹識



志姓氏

督修

兗州府知府加二級紀錄十次金一鳳

兗州府運河同知加一級張廷霖

兗州府糧捕通判加二級戴文武

兗州府捕河通判張鎬

纂修

壽張縣知縣加二級紀錄八次滕永禎

校修

壽張縣志

姓氏

壽張縣儒學教諭李保之

壽張縣儒學訓導吳天修

壽張縣王簿羅秉斗

採修

貢生馬珩等

生員王佐等

監刻

壽張縣 檢何士弘

壽張縣志舊序

郡邑之有志始於九丘繼以  
禹貢廣於周官仰者聚也九  
州所生風氣所宜皆聚書中  
左史倚相所讀者此也禹別

張序一

九州定其山川分其圻界條  
其物產辨其貢賦斯曰禹貢  
周禮所載地官誦訓掌方志  
以知地俗春官保章以星土  
辨所封之域夏官司險

九州之圖周知山林川澤之  
四秋官職方掌天下之圖與  
其財用可云詳矣漢則風俗  
有記地理有志晉摯虞齊陸  
澄任昉本之以作畿服地理

張序二

等書隨有寰宇圖志唐有元  
和郡縣志宋有太平寰宇志  
九域志明有通志離然大備  
然郡邑各自爲志者載一方  
之輿葦土宜人物賦稅猶

星麗天缺一不可也壽張春秋爲良邑戰國爲剛壽西漢爲壽良東漢改爲壽張其邑可云舊矣金大定河決遷於竹口鎮嗣仍舊治元至正三

張序三

季河又決縣廢明洪武元年移置梁山之東十四年復置王陵店則今壽張也邑廢而復存民散而復集豈非風氣所鍾要會所繫雖彈丸黑子

缺焉不可歟志作於萬曆年  
間邑令周君三錫所輯有刻  
板順治四年寇叛焚燬無存  
今令陳君詳覓原志明經丁  
復興以楊生之子所藏舊本

張序四

呈送計書八卷余取而閱之  
事約而核文典而潔惟計前  
輯之時距今四十載乃得陳  
君重訂捐資而梓之書成請  
余一言以紀本末夫今毒張

非昔毒張也寇殘其疆水潦  
其地人民所遺十之一耳土  
田所開十之三耳十年生聚  
民氣未復余奉

簡書駐劄此邑勞來撫綏三載

張序五

於茲漸望小康成書旣失而  
復存盛典旣墜而復舉是亦  
有數於其間及今不爲訂刻  
則千百年之文獻安考哉今  
閱其書志方輿則星土燦如

列眷盍思所以艾之志建置  
則興革洞若觀火盍思所以  
安之志祀典則明禋是存盍  
思所以昭格之志職官則政  
績攸著盍思所以恪恭之志

張序六

食貨則貢賦所出盍思催科  
何以不悖於撫字志選舉則  
人文所鍾盍思作人何以重  
光於曩賢志人物則仕者產  
者盍思令名何以不朽志藝

文則作者述者言行何以克  
踐尺幅之中金鑑備焉以此  
而備九卽禹貢之採掇周官  
周禮之撝攬猶簫韶之有清  
商黼黻之有火藻也缺焉不

張序七

可匪曰脩儒術以飭吏治爲  
美觀也雖然有治人無治法  
治平之書豈不昭於日星人  
君而後政舉是在職郡邑者  
加之務焉志者志也惟良有